

E-8

900


Ι. ΦΛΕΡΟΒ

**Ι ΘΡΙΣΚΙΑ,  
Ι ΙΚΟΓΕΝΙΑ  
ΚΕ ΤΑ ΠΕΔΙΑ**

---

ΕΚΔΟΣΙ „ΚΟΜΥΝΙΣΤΙ“  
ΡΟΣΤΟΒ-ΔΟΝ 1931








E-8

900

Ι. ΦΛΕΡΟΒ

# Ι ΘΡΙΣΚΙΑ Ι ΙΚΟΓΕΝΙΑ ΚΕ ΤΑ ΠΕΔΙΑ

Μετάφρασι: **Α. Γ. ΤΖΙΜΙΑΝΟΒ**



---

ΕΚΔΟΣΙ „ΚΟΜΟΥΝΙΣΤΙ“  
ΡΩΣΤΟΒ-ΔΟΝ 1931

**И. ФЛЕРОВ.**

**Религия, семья и дети**

**Перевод А. Г. Чимянов.**

---

**ИЗДАТЕЛЬСТВО „КОММУНИСТИС“**

---

**Ростов-Дон 1931**



## **Ι ΘΡΙΣΚΙΑ, Ι ΙΚΟΓΕΝΙΑ ΚΕ ΤΑ ΠΕΔΙΑ**

Σ' εμέτερον τιν χώραν πάι εκσαπλομένον σοσιαλιστικον επίθεσι απαν σα καπιταλιστικα τα στιχία.

Το τακτικον ο αγόνας απες σιν χώραν-εμυν κι χαλαριν, αλα οκσίνετε.

Οκσίνοντε τα αντιφάσις (προτιβορέτζιας) ανάμεσα στον καπιταλιστικον κόσμον κε σιν Ε Σ Σ Δ .

Σο χτίσιμον τι σοσιαλισμυ σίρκουνταν ολοέναν κενύργα μάζας τον εργαζομένον, κε εμπροστα σο κράτος ανικοδομύμενυ σοσιαλισμυ στεκ το πρόβλημα να προετιμαζ στελέχι, το πρόβλημα για να ανατρεφ κομμουνιστικα όλια αφτα τα μάζας.

Πρεπ να λίνουμε αφτο το πρόβλημα, πρεπ να λιχδιτάρουμε σ' ολίγον κερν το μορφοτικο-τεχνικον τιν καθιστέρεισιν σιν χώραν-εμυν.

Πλάι με τατο πρεπ να θάλομε κε να λίνουμε το πρόβλημα τι κομμουνιστικισ ανατροφισ σο νέον τιν γενεαν — τ' εμέτερον τι θάρδιας (σμένας).

Ατο το πρόβλημα έβαλεν-ατο ο ς. Στάλιν στον απολογιζμόν-ατ σο 16-ον το σινέδριον.

Ατο το πρόβλημα υπογράμισε-ατο σα αποφάσις-αθε το σινέδριον. Ατο το πρόβλημα ερχίνεσεν υζζε



να περ τιν λίσιν-αθε σα δημοσιευμένα τα αποφάσεις τε ΚΕ τι ΠΚΚ (μπ.) κε τι Σοβναρχομι.

Σιν λίσιν τ' ατινεθι τι προβλήματος πρεπ να περ μέρος όλον τ' εμέτερον το σοβετικον ι κινι γνόμι, πρεπ να περ μέρος όχι μόνον το σχολίον κε το πεδίκον ο κίπος, αλα κε ι ικογένια.

Εμας χριάσκετε ασα ρίζας ν' αλαζ τ' ανθρωπίον ο νος, να καθαρίετε ασ' όλια τα πιαλύκια, ντο εστιδάγαν εκιαπες ασο τσαρικο-πυρτζυαζικον το σίστιμαν. Σιν χόραν τυ ανικοδομύμενυ σοσιαλιζμυ χριάσκυνταν αγικ ανθρωπ, πυ να ίνε γλιτομεν ασα θρισκεφτικα κε ασ' όλια τ' άλα τα προλίψεις κε τα δισιδεμονίας.

Κε αγικς νέις ανθρωπς πρεπ να αρχινόμε κε ανατρέφομε απο μικροθέας.

## **Ι ΘΡΙΣΚΙΑ ΕΝΑΝΤΙΑ ΣΟΝ ΑΓΟΝΑΝ ΓΙΑ ΤΟΝ ΣΟΣΙΑΛΙΖΜΟΝ**

Εμιας πρεπ να ανατρέφομε το πεδιν αετς, όστε να ές τακτικον σινέσθισιν τι αγωνιστι για τον σοσιαλιζμον.

Τ' εμέτερον το σοβετικον τα πεδιν πρεπ να εκσερ ντό εν ο σοσιαλιζμος, πρεπ να εκσερ πος να χτίζια-το, πρεπ εμ να επορι εμ να θελ για να χτίζια-το.

Εμιας θέλομε να ελέπομε, όστε το μορον να μισα όλια τα ζζανκομένα τα παλεα, ντο σίρνατον οπισ σον καπιταλιζμον.

Τ' εμέτερον το σοβετικον το πεδιν πρεπ να εκσερ ντό εν ο τακτικον ο εχθρος, πρεπ να εγρικα κ' ελέπιατον, πρεπ να μισά-τον, πρεπ να επορι κε να θελ να πολεμάτον χωρίς έλεος.



Τ' εμέτερον το σοβετικον το πεδιν πρεπ να εν πάντα έτιμον ζον αγόναν για τον σοσιαλισμον.

Σ' ατοριζνον τιν στιγμιν οπόταν εν οκσιμένον το τακσικον ο αγόνας σιν χώραν, ο κυλάκον κε ο νέπμαν εφτάγνε απόπρας (ποπίτκας) να ιποτάζνε σιν επιροίν-ατον (βλιάνιε) το σχολίον, τον δάσκαλον κε το πεδιν.

Κε για αφο το τον σκοπον πρότα απόλα χρεισιμο-πιων τιν θρισκίαν.

Σι ποπαδίον κε σι σεκταντίον τα σινέδρια πέρ-κυνταν αποφάσεις για να δυνατιν το θρισκερτικον ι εργασία ανάμεσα σα πεδία, κε σα κάπια μέρια τι Ε Σ Σ Δ ι πο-πάδες κε ι σεκτάντι απολεμύνε να πέρνε σα σερία-τον το πεδικον τιν κίνισιν κε αντίκρι σο πεδικον το κομυ-νιστικον τιν οργάνοσιν οργανόνε τ' εκινέτερα τα άσπρα τα τάγματα, ομίλυσ τι πεδίον τι Ιισυ, τι Χριστο τα καρπος. Αντι πιονερίον νομυς κε σινίθια μαθίζνε τα πεδία θεικα κηρίγματα· αντι πιονερικά τραγύδια μαθίζνατε να πσάλνε „Επιράνιε θεε“.

Σ' αφο τα θρισκερτικα τα οργανόσεις τα πεδία ανατρέφκυνταν αετς, όστε να μισυν (νεναδίτετ) το κάθε-τι ντο εν σοβετικον.

Κε οσαν αποτελέεζμαν, όπος δίκνε-μας τα απεσλέ-τοβανιας τι σχολίον τα μορα ντο ιν φαρμακομένα με το φάρμακ τι θρισκίας, εδγόνε εναντίον σι κομμυνιστας, σι κομσομόλυσ κε σι πιονέρυς.

Κε ατο πάντα πρεπ να περιμένοματο ασιν θρισκίαν.

Ι θρισκερτικι κε ι σεκτάντι λέγνε: „Τα τάκσις — άνε εφέδρεσι τι πολςσεδικίον. Σον κόσμον, λέγνε, εδρί-



υνταν καλι κε καχι, οκνιαντ κε καματερι κε απαδακα  
έρτε όλον το κακον κε ι σκοτιναςέα“.

Ι θρισκία κι παραδέχκετε το τακσικον τον αγόνα.

Ι θρισκία μαθιζ, ότι ο κυλάκον κε ο νέπμαν —  
ίνε αδέλφια τον εργαζόμενον.

Ι θρισκία πολεμα να ανατρεφ το πεδιν, όπως  
λέγνε ι θρισκεφτικι ζον „φόβον τι θευ“.

Ι φίσι τι πεδι εν αγικον, ώστε θελ να πορπατι,  
να τρεσσ, κατ να εφτάι. Ι κρισκεφτικέσα ι μάνα ίτε  
ι καλομάνα κ' επορυν να δίγνε το μορον να εφτάι κατ,  
ι θυλία το οπίον να ενδιαφέρια-το.

Το μορον αρχινα να εφτάι ατακσίας, να πιράζιατς  
κε ι καλομάνα ίτε ι μάνα-θε ζσαμαριάζ-νατο κε φοβε-  
ρίζ-νατο με τα λόγια: „Εστα εσι, ο θεον θα τιμοράςε“.

Απο μικροθέας κοβαλυν το μορόν ζιν εκλισίαν κε  
εκιαπες δικνίζ-νατο άγρια καρτίνας, ζογραφιμένα ζα  
τυδάρια κιαν κε φοβερίζ-νατο με τα θάσανα τι κόλασις.

Απο μικροθέας το μορον ανατρέφκετε με  
τιν βοίθιαν τι θρισκίας, για να μι επορι κε δε  
απόκρυζιν ζον τακσικον τον εχθρον.

## **Ι ΘΡΙΣΚΙΑ ΕΝΑΝΤΙΑ ΣΙΝ ΕΠΙΣΤΙΜΙΝ ΚΕ ΣΟ ΣΚΟΛΙΟΝ**

Εμεις ανασινκροτόμε όλον το νικοχιρίον-εμυν απαν ζα  
νέα τα ζοσιαλιστικα τα αρχας. Εμεις χτίζομε ζοσιαλιστικα  
πολιτίας. Εμεις χτίζομε νέα ζαδότια κε φάπρικας πα-  
ρόμια με τα οπία κ' ίδεν ι χώρα-μυν. Σο κράτος απες  
αγλίγορα τρανίνε κε περιζέδνε τα ιλεχτρικα σταθμυς.



Το ηλεκτρικόν ρέδμαν κε τα μηχανας ολοέναν αλάζνε το ζοντανον τι δίναμιν τι ανθρωπίον, λαφρίνε πολα φoρας το ανθρωπινον τιν κάμασιν, περισέδνε κατα πολα φoρας τιν προτύκσιαν. Εκατοντάδες χιλιάδες τράχτορια θα λαλύνε (ίτε θα κοτανίζνε) τα σινόρια σε απέραντα χοράφια τι σοβετικis χώρας, μετατρέποντας τα κσεχωριστα αγροτικά νικοκιρία σε μεγάλα κολεχτίδια.

Σιν τέχνην κεκα εις πρεπ να ερτάνομε κε να εμπροδιαθένομε αγίκα κράτι όπος τιν Γερμανίαν κε τιν Αμερικιν. Για να εχτελίετε ατο το κινωνικο-τεχνικον ι επανάστασι σε αγροτικον νικοκιρίον κεςιν βιομηχανίαν, εμας χρειάσκυνταν αγίκ ανθροπ, ι οπίι κομουνιστικά να προφέρκυνταν σε εργατικον το νικοκιρίον-ατυν κε τεχνικά να ίνε γραματιζμεν· τεχνικά ατιν πρεπ να επορυν κε πολεμύνε με τιν φύσιν, πρεπ να επορύνε κε εποφελύνταν τα δινάμεις κε τα πλύτι τι φύσις, για τιν λίσιν τι μεγάλν προβλίματος το οπίον θα ελαφριν τιν κάμασιν τ' ανθροπίον, χορις το οπίον κ'επορύνε να νυνίζομε για τον σοσιαλισμον.

Κε απαν σ' ατο τιν στράταν στεκ εμπροστά-μυν ι θρισκία.

Ι θρισκία μαθιζ ότι όλον τον κόσμον, όλον τιν φύσιν, καθοδιγάτα ο θεον, ανκελ, ι άγι κε όλια τα υπερφυσικά όντα. Ατο ι θρισκία προσκαλι το χορις, το οπίον μελετα τα ζακόνια τυ ηλεκτρισμου, να εφτάι το σταδρόνατς όντας θροντα· ατο ι θρισκία λέγιατο ότι „όλια ασον θεον“ ίνε, ότι ο άνθρωπον εφτάι υποθέσις κε ο θεον όλια εσσ σιν διάθεσιν-ατ.



Υς ἄτορα ἀκόμαν ι θρισκιά πεζ μεγáλον ρόλον σα χοριστα σπítια τον αγρότικον νικοκιρίον. Σον κερον, πυ το κόμαν κε ι σοβετικι κιβέρνισι σταλίζνε εμπροστα σ' όλον το κράτος το πρόβλιμαν τι εχτέλεσις τι πολ-σεεδίκικις σποράς, σ' ατο τον κερον κάπια μορα διαβε-θεόνε τον δάσκαλον κε τι σιντρόφς-ατυν, ότι τα δοκσο-λογίας κε τα φωτίσματα βοιθύνε τιν εσοδίαν.

Ακόμαν υς ατόρα ι θρίσκι ι χορετ σα πολα μέρια κι θέλνε τα τράχτορια οσαν αντίχριστα εργαλία, τα οπία σπίνκνε το „άγιον χόμαν“, τα οπία μυρταρίζ-νατο με το πετρέλεον.

Σ' έναν κομόναν συμα σιν Μόσχαν, νέικα πεδία, ντο ετελίosan τα μικροπρόθεζμα (κρατκοσρότζνι) κύρσια τρακτορίστον, επάρθαν σιν δυλίαν.

Σα κσιμερόματα απαν εδρέθαν συμα σα ταφία. Το σκομένον απανκες σα ταφία τυμαν, ατιν επίραν-ατο οσαν φαντάζματα κε ασον φόδον-ατυν εταχυτέφταν. Τα τράχτορια, ντο εφέκαν-ατα σιν τίχιν-ατυν εκσαχολύθαναν τιν δυλίαν, ετζάτεδαν ο ένας με τον άλλον, επέναν απαν σα δέντρα, ετιαδιρέφκυσαν απες σα κανάδας κε ετσαχύσαν. Αετς ι θρισκιά — ι πίστι σα ιπερφισικα φερ τρανον νικοκιριακον βλάδιν. Πολα φορές εκιν πυ πι-στέβνε κι θέλνε να στίλνε τα μορά-τυν σα σοβετικα τα σχολία.

Ι σεκτάντι πέρνε τα μορά-τυν ασα σχολία, διότι σο σχολίον μαθίζ-νατς να τραγοδυν το „Ιντερνατσιοναλ“. Κάποτε ι γονεί πυ πιστέβνε κρύνε τα μορά-τυν, οπόταν τα πεδία φέβνε κε πάνε σο σχολίον σα θρισκεφτικα τα εκσεργάτκα.



1 θρισκία εν εκίνο, πυ γαντυρεβ εκινυς  
πυ πιστέβνε να αφίνε τα πεδία τ' εργατίον κε  
τον εργαζόμενον χορις γνώσις κε επιστίμιν.

## Ι ΘΡΙΣΚΙΑ ΕΝΑΝΤΙΑ ΣΑ ΙΓΙΗΝΑ ΤΑ ΠΕΔΙΑ

Εμεις προσπαθύμε να ανατρέφομε ας' εμέ-  
τερα τα πεδία αγωνιστας για το εργον τι εργα-  
τικές τάξεις, δυνατυς σο ρόμαν κε σο πνέβμαν.

Ακόμαν κε αδακα πα ι θρισκία εμποδιζ να ανα-  
τρέφομε το μορον αετς, όστε να γίνετε ιγίινον ο οργα-  
νιζμός-αθε. Ακόμαν υς ατόρα ανάμεσα ει γινεκες τι χο-  
ριάτισες ζι ι δισιδεμονία, ότι τιν τετραδ κε τιν παρα-  
σσεβιν — τα λεγόμενα „ιμέρες τον παθον τυ Χριστου“  
— κι γίνετε ντο βιζαλίζνε τα μορα να φάζνατα μάνας  
γάλαν. Ι δισιδεμονία ατο εκσέθεν σο μειταν χάρις σο  
παραμιθ, ότι ο άγιον ο Νικόλας εδίκσεν τιν αγιοσίνιαν-ατ,  
ακόμαν ονταν εδίξανεν με τ' εκίνο, ντο κ' εθέλνεν να  
επέρνεν τιν τετραδ κε τιν παρασσεβιν τι μάνας-ατ το  
τσιτςιν. Αφτο ι πρόλιπσι εντάμαν με όχι ολιγότερον  
βλαθερον το σινίθιον τι φοτιζματι, το απόθαμαν τι  
πεδίον τον χορικον σιν ιλικίαν όνταν βιζάνε, πυ αετς  
πα μεγάλον εν.

Το κσαγόμεβμαν, το κινόνιμαν, το φίλεμαν τι  
ικόνας, τι σταβρυ κε τα άλα τα θρισκεφτικα πρόλιπσις  
ταχυτέβνε τιν αρόστιαν ανάμεσα σα πεδία, τα οπία  
χάρις σο αδίνατον τον οργανιζμόν-ατυν έφκολα πέρνε  
τ' αροστίας.



Ακόμαν υς ατόρα σα κάπια απόκεντρα μέρια τι  
εινδέζμυ-μας κε κάποτε μάλιστα συμα σο κέντρον, γίνετε  
πρακτικον το λάρομαν τι ποπαδίον, τι μαμίον κε μάγον.  
Λαρόνε με ελαδ με το τζάνιμαν τι νερυ με καρβόνια,  
λαρόνε με άγιον πυμπακ. Τα μορα ντο εγενέθαν πριν  
ασα 9 μίνας, πσένατα σο φυρνιν κιαν, μερ κυντόν-ατα  
τρία φορας απαν σιν πιρίφτριαν, όπος το πσοριν. Σον  
κέρον τον εορτον τι μεθισι ι θρισκία φερ όχι ολιγότερον  
βλάβιν σα μορα, το οπίον ατόσον κι φένετε σο πρότον  
το βλέμαν. Εντάμαν με το φαρμακ τι θρισκίας φαρμα-  
κόνε τα πεδία κε με το φαρμακ τι αλκογολι, οπόταν  
δίνατα χάρις σο άγιον τον έκσεργον έναν ριύμκαν ρακιν,  
ιμπσον ριύμκαν, ίτε να νεδραζ τα ρσίλιατ — να δοκιμά-  
ζιατο. Ι γονεί πυ πιστέδνε κ' ικσέρνε βέδεα, πος με τι  
σταλαμίταν το ρακιν χάνε κε πάνε το νέικον, το κ'εγα-  
ιμλαέφτεν ακομαν ο οργανίζμος τι μορι για όλον τιν  
ζοίν-αθε.

Ι θρισκία μαθιζ, ότι ο άνθρωπος πρεπ να τερι  
προσορινον τιν ζοιν απαν σιν γιν.

Ι θρισκία μαθιζ ότι ο άνθρωπον πρεπ να προετιμαζ  
τον εάφτόν-ατ για τιν ζοιν ίστερα ασον θάνατον κε ότι  
ατο θα κατορθόνιατο αν θα απονεκρον το κορμίν-ατ.

Ι θρισκία λεί ότι το κορμιν εν ι πιγι απο πυ  
κατάγυνταν όλια τα αμαρτίας κε ότι για τατο κι χρι-  
άσκετε να φροντίζομε κσάι για το κορμιν.

Ασο θρυσκεφτικον τιν ανατροφιν το μορον  
τι εργάτι, τι φτοχυ·χορετιανυ τρανιν κσερακιανον,  
άροστον σιχνα γίνετε καλέκα, κε κάποτε τ'αχύλ-  
ναθε απομεν οπισ κε κι γιαραεβ για τον τα-  
κτικον αγόναν



## Ι ΘΡΗΣΚΙΑ ΕΦΤΑΙ ΣΚΛΑΒΟΝ ΤΙΝ ΓΙΝΕΚΑΝ

Σο παραπέρα τιν ανάπτικσιν τι σοσιαλιστικον χτι-  
σίματος ολοέναν κε κιάλο πολλα δυνατιν ο ρόλος τι  
γινέκας. Ι καθιστέρισι τι γινέκας σο μορφοτικον μέτοπον  
εν όλος διόλυ ατέριαστον κε εμποδιζ τον αγόναν για  
το νέον το σοσιαλιστικον τι ζοιν.

Ο αγόνας-εμυν για το καθεαφτυ το κσε-  
σκλάβομαν τι γινέκας πρεπ να δυναμον.

Ομος ι θρησκία πάντα αρχίζοντας ασο πρότον το  
παραμιθ τι παλεας διαθίκις για διμιουργίαν τι γινέκας  
ασο πλεθρον τ' αντρυ, ιποστίριζεν κε εκσακολουθα υς  
οσίμερον να ιποστιριζ τιν ανισότιταν τι γινέκας. Με το  
θέλιμαν τι αλλαχ τυ Ιέχοδα κε τον άλλον θεον ι γινέκα  
αποτραβίετε ασιν σιμετοχιν σο σοβετικον τιν δουλίαν με  
τιν βοίθιαν σινεδριάσεων προσεφχισ, ντο οργανόνε ι πο-  
πάδες, ι σεκτάντι, ι μολάδες, ι ραδίι, επίτιδες σ'εκίνα  
ακριβος τα ιμέρες κε τα όρας οπόταν γίνταν κε τα  
σοβετικά τα σινεδριάσις.

Ι γινεκ ίνε εκιν πυ καντυρεμεν ασι κυλακς ενάντια  
σα κολχόζια, οσαν αντίχριστυ δουλίας, χαλάνε τιν κολε-  
χτιβιζάτσιαν τι αγροτικον νικοκίριυ. Μονάχον χάρις σιν  
σκοτιναςέαν τι γινέκας κε σο μεγάλον τιν θρησκολιπσίαν-  
ατυν επορυν να παρυσιάσκυνταν τιύτα φάχτια, ότι ατιν  
πιστέδνε σα κυλάκικα τα παραμίθια, ότι τάχα σο κολχοζ  
τα μορα θα πέρνατα ασι μανάδες-ατυν, θα ανατρέφνατα  
με σατανικον πνέδμαν, ίτε θα πέρνατα κε πάνε σιν  
Κίναν, ίτε θα πετζατλαέδνατα με το νισσαν τι αντί-  
χριστυ κ. τ. λ,



Κε ι γινεχ πιστέβνατα κε τζαίζνε αντίκρι σα κολ-  
χοζια. Σο χορίον Ιβάνοφκα τι Περνόφσκι ραγιον ι γινεχ  
ίπαν σιν σινεδρίαςιν: „Εαν ι αντρύδες-εμυν εμπένε σο  
κολχοζ, εμεις θα χορίουμες ασ' εκιντς“. Κε εχορίγαν πα.  
Ο άντρας εσέβεν σο κολχοζ, σο νέον τι ζοιν — σιν κο-  
μόναν, κε ι γινέκα επέμνεν σο παλεον το καλίθ, για  
να εφτάι γονατοκλισίας εμπροστα σα ικόνας να σινκλί-  
σσκετε εμπροστα σον ποπαν, πυ σσκεπαζ το κιφάλ-νατς  
με τιν εμπροστελάν-ατ κε τεα σινχορα τα θελιματικά  
κε τα άθελα τα αμαρτίας-ατς.

Ατο εφχαριστα μόνον τι κυλακς.

Κε ι κυλακ ιποστίριζαν κε ιποστιρίζνε ατο τιν  
καθιστέρισιν τι γινέκας.

Σ' έναν ασα παλεα τα προεπαναστατικά περιοδικα  
έτον έναν αγίκον ικόνα: „Εδεργετικον γιόλκα“. Ολό-  
γερα σιν γιόλκαν γιροκλόσκυνταν απο τρι-τρι νοματ  
τα πεδία. Ι μικρι αμακσιλάτε πυ διεφθίνε — πεδία κε  
πυ τζοκανιζ κοριτς. Κε αετς αφκα σιν ιςσκιαν τι γιόλκας  
ασο μικρον τιν ιλικίαν υπογραμίσσκετε ι κιριαρχία τυ  
ανδρέσικυ φίλυ απαν σο γινεκιον. Κε ατο-πα κ' έφτασεν.  
Ο ζογράφον για να δικ κιάλο καλίον τιν ανισότιταν  
τον φίλον, εφόρτζεν σα κιφάλια τι πεδίων κορόνας κε  
σα κιφάλια τι κοριτσίον τρίγονα καπέλα. Μίαν κιάλο  
υπογραμίσσκετε το ικονομικον ι κιριαρχία τυ αντρεσικυ  
φίλυ.

Κε ακόμαν υς ατόρα ατο ι ανισότιτα όπος κε  
πριν καθιερώτε ασιν θρισκίαν απο μικροθέας. Ο επίσκοπον  
λ. χ. τι Βλατίμιρ έστιλεν σιν επαρχίαν-ατ οδιγίας πός  
να δουλέδνε με τα μορα, κε προτιν τι ποπάδες να οργα-  
νόνε αντίκρι σα πιονέρικα ατριάτια τ' εκινέτερα τα ομίλυσ:



τον πεδιον το Χρίστου — για τα αγόρια, κε για τὰ κορίτσια χωριστα κρυζζόκια — κορτσόπα τι Μαρίας.

Κε τιντοτρόπος το εόνιον ι ανισότιτα το φίλυ ιποστίρίζετε κε εβλογίετε ασιν θρισκίαν. Απο μικροθέας χόνε σο μιάλον τι μορι τιν ιδέαν ότι ι κिरιαρχία τ' αγυρι εν άγιον πράμαν.

## Ι ΘΡΙΣΚΙΑ ΕΝΑΝΤΙΑ ΣΙΝ ΑΔΕΛΦΟΣΙΝΙΑΝ ΤΟΝ ΕΡΓΑΖΟΜΕΝΟΝ

Το τελιοτικον ι νίχι τι σοσιαλιζμυ σιν χόραν-εμυε εκσαρτάτε ασιν επίθεσιν ντο ετιμάζνε ι ιμπεριαλιστα εναντίον σιν Ε Σ Σ Δ. Εάν ατόρα κε επιτιχεν ι σταδροφορία κε κάθε άλο εκστρατία απαν σιν Ε Σ Σ Δ ατο γίνετε μόνον κε μόνον επιδι ι εργατ τον πυρζζυαζικον κρατον λογαριάζνε τιν Χόραν τον Σοβετ οσαν μοναδικον πατρίδαν τον εργαζόμενον όλυ το κόσμυ, κε κι θέλνε να κςίνε το έμαν-ατυν για τα σιμφέροντα τι πυρζζυαζίας. Κε емис έχομε σπυδέσν καθίκον να ανατρέφομε ιντερνατςιοναλιστικα τυς μικρυς πολίτες τι Ε Σ Σ Δ.

„Προλετάριμ όλυ το κόσμυ, ενοθίτε“ — αγίκον εν το σίνθιμαν τι εργατικισ τάκσις. Για τον σοβετικον μαθιτιν το σκολιυ τα πεδία τον γερμανον μεταλιστον, τον άγκλον ανθρακορίχον, τον γάλον, πολονον ιφαντυργόν τον κινέζον κύλι ίνε σίντροφι για το γενικον έργον — για τον αγόναν εναντίον συς καπιταλιστας κε παμέσσικυς.

Αλα ι θρισκία μαθιζ τι θρίσκυς τι εργάτας κε τι εργαζόμενυς οσαν εχθρυς να τερυν τι άθευς εργαζόμενυς ίτε εκινυς πυ έχνε άλο θρισκίαν. Ι θρισκία εφτάι τα μορα να πιστέδνε παραμίθια για τον Χριστον, πυ επρο-



δόθεν ασον Ιύδαν — εβρέον κε με τατο αναπτίξ κε υπο-  
στηρίζ τον αντισιμιτιζμον, το οπίον κηριτ ο τακσικον  
εχθρον.

Με το μέσον τι θρισκίας ι πυρξζυαζία εθέλνευ  
να εφτάι τι θρίσκυς τι εργαζόμενυς τον πυρξζυαζικον  
κρατον να μισύνε τ' εργάτας κε τι χορέτας τι Ε Σ Σ Δ  
κε σα πεδία-τυν, όπος αθέυς.

Ο πάπας τι Ρόμης σιν έκλυσιν-ατ πολα μέρος  
εδέκεν για τα σοβετικα πεδία όπυ υποκριτικα λεί, πως  
λιπάτιατα για το άθεον τιν ανατροφίν-ατυν.

Για να εφτάι τι θρίσκυς τι εργαζόμενυς να μισυν  
τον σοβετικον σίνδεζμον ο Πάπας εβγαλ ασον νόνατ κε  
λεί, ότι τα σοβετικα τα πεδία ανατρέφνατα διαφθίρνατα  
με σσίλια λογιον κακα σινίθια, ότι εκιντς εφτάνατς κε  
ανκαλυν τι κηρύδες-ατυν, ότι φηιτλιαέβνατς τεα να μυρ-  
ταρίζνε τα εκλυσίας κε άλλα.

Ι θρισκία προσπαθι να χοριζ τυς εργαζό-  
μένυς σιν πίστιν-ατυν κεριαν.

Κε ατο σιφερ μόνον τι καπιταλιστας.

## Ο ΤΑΚΣΙΚΟΝ ΕΧΘΡΟΝ ΕΦΤΑΙ ΕΠΙΘΕΣΙΝ

Κε τιωτοτρόπος ι θρισκία με όλια τα δουλίας-αθε  
κε με τα πράκσις πάι ενάντια σιν ανατροφιν τι νέυ  
ανθρώπυ.

Αμα όλον ι δουλία ς' ατο κεκα κεν.

Ι ποτιάδες κε ι σεκτάντι προσπαθυν ενεργίτικα να  
επιδρυν σιν ανατροφιν τι πεδίον με το αντίστιχον  
πνέδμαν.



Σὺς „ἐνχριστοαδελφὺς καὶ ἀδελφὰς“ καὶ οἱ ποπάδες δόχκετε ἀποπὰν τιρεκτίθα γιὰ νὰ δινὰμόνε τὴ δουλίαν ἀνάμεσα σὶν νεολέαν. Καὶ ἀχὰ οὗς ἀποτέλεζμαν τατινεθὶ τὴ τιρεκτιθὰς σὰ ἀρχὰς τοῦ 1930, σὶν πολ. Παλασσοῦ σὺμα σὺ σκολίον ἐγίριζαν γινεκ — σεκταντ, ἐστάλιζαν τὰ πεδία ἐταγύτεθάν-ατς κυφέτια, καὶ ἔλεγαν: „Μὴ ἀκούτε ντο λέγνεσας σὺ σκολίον· πῖστεν εφρσιν καὶ πιστέπστεν τὸν θεόν“, — καὶ ἔταζαν-ατς κιάλο νὰ φέρνε κυφέτια.

Σὶν πολ. Καλιάζιν ἡ παπάδες ἐλάσσεκιζαν τὸ σταθρον με τὰ ἀνίλικα κορίτσια. Ἀσπροφορεμεν ὅπως ἔσαν ἐπορπάτναν ἰσιχα σίτια ἐπσάλναν καὶ ἐπροσέλκιζαν τὴν προσοχὴν ὁλονον πὺ ἐπέραναν καὶ σινάμαν ἐπροκαλύσαν τὴν τίλιαν τὸν φιλινάδον-ατὺν πὺ καὶ ἐπέρναν μέρος σὺ θρισκεφτικὸν τὴν πομπὴν. Ἡ ποπάδες καὶ ἡ σεκταντ προσπαθὺν νὰ ἐμπένε καὶ ἀπες σὺ σκολίον. Σὰ μιστικὰ τὰ γράματα-τὺν γράφνε: „Ἐμας, οἱ χριστιανὺς, χριάσσεκετε νὰ μεταφέρομε μεσὸν τὴ πεδίου πὺ πιστέθνε τὴν διδασκαλίαν τὴ θανκέλι ἀπες σὺ ἴδιον τὸ σκολίον καὶ νὰ ὀργανόνομε ἐκίαπες ὀμίλὺς καὶ γιὰτζείκας τὴ νεολέας πὺ πιστεθ“.

Σὺ σχηματίζμον κεντὶ τ'ατινέτερον ἀκτιβὶ σὺ τίποτα ἐμπροστὰ καὶ σταματὺν. Σὺ ἕναν ἀσὰ σκολία τὴ Μόσχας ἐμαθάνεν ἕναν κορίτς — πιονέρκα, ἀκτιβίστκα σὰ κινोटικὰ δουλίας. Με τὴν θίαν καὶ με τὰ φοβερίζματα ὁ πατέρας-ατς — σεκτάντος ἐπῖκεν-ατεν καὶ ἐκσέθεν ἀς' ἀτριάτ, καὶ ὄνταν ἐγέντον ἀκτιβίστκα — σεκτάντκα ἐρχίνεσεν νὰ ἐφτάι ἀγιτίροβατ ἀνάμεσα σὶ φιλινάδας-ατς, ἀπες σὶν τάκσιν, ἀς' ὁπίους ἐσχιμάτισεν γρύπαν ἀπὸ 5 άτομα.



Σε άλλο σχολίον, απόταν επέρανεν ι οργάνοσι γιατζέικας αθέον, απαν σο πάτομαν ενος τάκσις εδρέθεν λιστόβκα (χαρτιν) το οπίον επροσχάλνεν τα πεδία να μι γίνταν αθεί διότι ι αθεί λέγνε πσέματα κε θέλνε να χάνε τιν πιστ. Κε το ίδιον τον κερν έχπασαν, απο έναν τυδαρ κε ετσέρτσαν τιν δίλοςιν, ντο ιδοπίανεν για το αντιθριστικον τιν διάλεκσιν.

Αετς ο τακσικον εχθρον περαν σιν επίθεσιν εγρικιζμένα ενεργόντας μέσον τι πεδίων. Οργανον ιδιέτερα σινελέφσις προσεφχίς για τα πεδία, όπου προσελκίζνατς με λιμονάδας εσοκαλάτας κε αλα γλικίζματα όπος έτον παραδείγματος χάριν σο Δανίλοφσκι το μοναστιρ σιν Μόςχαν.

Αλα το σοβετικον ο νόμος κιαφίνιατς να εφτάγνε αγίκα σαπράνιας. Κε αετς πα τι παλασσόφσκι ι εσετάντι περάνε ασο γιαν τι νόμου εκιν γράφνε: „Τα αδέλφια κε ι αδελφάδες, πυ διεκσάγνε τιν δουλίαν για τιν οργανοσιν ομίλον κε γιατζέικον χριστιανικίς νεολέας κε πεδίων πυ πιστέδνε, ρύζνε σιν αμφιβολίαν (σομνένιαν), οτι κι παραθιάζνε-μι το τεκρετ τι Σοδναρχομι για το χόριμαν τι εκλίσιας ασο κράτος όπου απαγορέφκετε αφστίρα να μαθίζνε τιν ιεραν ιστορίαν σε περισον απο 3 ανθρωπς. Για να αποφέδομε τιν παραθιάσιν τυ νόμου ειστένομε τ' αδελφους κε τι αδελφάδες ες τόπους, όνταν οργανόνε ομίλως τον πεδιον πυ πιστέδνε να χορίζνε τον όμιλον σα τρόικας κε σο κάθα έναν τρόικαν να χορίζνε απ' ίναν ρυκοδοτίτελιαν. Με τατο τον τρόπον τα πεδία θα ανατρέφκунταν θρισκεφτικα κε κι θα παραθιάσσεκετε το τεκρετ τι Σοβετικίς εκςυσίας“.



Με τ' αγίκον φόρμαν ετιμάγυσαν να εφτάγνε δουλίαν με τα πεδία κε τι θλατίμιρσκι ι ποπάδες.

Ι τελεφτέι άναθα ατο, εσίστεναν να οργανόνε περίπατος απαν σα γεολογικα κε ζοολογικα θέματα πυ να διαφροτίζνατα ασο θρισκεφτικον τιν άποψιν. Τι θλατίμιρ ι ποπάδες επίραν κε ζατάνιαν άσον επίσκοπον-ατυν να μαθίζνε φισκυλτύραν, το οπίον τα πεδία αγαπώνε πολα· φαντάσσκεζνε τον παπαν ίτε τον διάκονον να εφτάνε με τα πεδία ελέφθερα κινίσις, ύτε πιραμίδαν.

Ι θαπτίσιτι σο Δεφόρτοθ οργανόσαν γιόλκαν σα χριστύγενα· εκσέβαν σα όρόμια κ ερχίνεσαν να προσκαλυν τα πεδία σιν γιόλκαν „ελάτεν πεδία σα χριστύγενα θα έχομε γιόλκαν θα έχομε κε όόρα“.

Κε πολα πεδία επιάσκυταν σιν παγίδαν. Οργανόνε εορτάσιμα σαπράνιας για τα πεδία με κεράζματα κε σα άλλα μέρια.

Τα κεράζματα, ι γιόλκα — ίνε όόλόμαν μόνον κε μόνον να μιζέόνε τα πεδία, κ' επεκι φαρχακόνατα με το φαρχακ τι θρισκίας.

Ι θρίσκι απολεμυν να χαλάνε τα πιονέρικα τάγματα (ατριάτια). Σο χορίον Νόβι (Υραλ. όπλαστ). ο ποπας εδίλοσεν προς θα δι θραβίον — μαθιν κασκέτον — εκίνον τον πιονέρον ο οπίος θα μετανοα κε θα πάι σιχνότερα ασ' αλτσ σιν εκλίσιαν. Κάπιι πιονερ εκομπόθαν κε ολόγιον μίναν επέναν ταχτικα σιν εκλίσιαν.

Αετς εφτάγνε τι δουλίαν ι εχθρι τι κομμουνιστικισ ανατροφισ τι νέας γενεας εκες όπυ κιμάτε το σκολιον, οπυ κιμάτε το κομσομολ. Τα περισότερα φορας τα αποτελέζματα έσαν πολα λιπιρα.



Το πρατσέντον τι πεδίων πυ πιστέδνε ετον σα  
κάπια σχολία πολα ιψιλον, κιάλο ιψιλα απότι έπρεπεν  
να επερίμεναμε ασο σοβετικον το σχολίον.

Κε για τατο, ενοίτε, πως χάρυνταν μόνον τ'  
εμετερον ι εχθρι.

### ΤΟ ΣΧΟΛΙΟΝ ΠΕΡΑΝ ΣΙΝ ΕΠΙΘΕΣΙΝ

Τα επιτιχίας τι σοσιαλιστικυ χτισίματος, ι όκσινσε  
τι τάκσιку αγόνα απες σο κράτος, το πέραζμαν κάπιον  
εχλυσιαστικον κε σεχταντικον οργανόσεων σο ανιχτον τον  
δρόμον τι αντεπανάστασις (κοντρεβολιύτσιας) ολοέναν κε  
κιάλο πολα ένιγαν τ' ομάτια τον εργαζόμενον για  
το τακσικον τιν υσίαν τι θρισκίας, ολοέναν κιάλο  
πολα εβοίθαναν τιν αποσχίρτισιν ασιν θρισκίαν. Ι  
σινεσθισι τι πολοζζένιας, ότι ο αγόνας ενάντια σιν  
θρισκίαν εν αγόνας για τον σοσιαλιζμον, απετύσεν ολοέ-  
ναν κιάλο πιζματικα ασο σχολίον να ανατρεφ αντιθρι-  
σκεφτικον γενεαν, πυ να εν έτιμον σον αγόναν για τον  
σοσιαλιζμον, ενάντια σ' όλια τα εμπόδια κε εντάμαν με  
τατα ενάντια σιν θρισκίαν.

Ας' αφο εκσέθεν σιν μέσιν δυνατον χίνισιν ανάμεσα  
σο ακτιό τον άθεον, πυ ιπεστίρικσεν-ατο όλον το σοβε-  
τικον ι κινι γνόμι για το πέραζμαν τι σχολι ασιν ποζί-  
τσιαν τι άθρισκισ ανατροφισ, σο αντιθρισκεφτικον, θα ιπε-  
σε αγίκον παζίτσιαν οπόταν το σχολίον θα ανάτρεφεν  
ενεργιτικυς άθευς. Ατο ι απέτισι ενίχεσεν, το σχολίον  
επέραςεν σον δρόμον τι ενεργιτικισ αντιθρισκεφτικισ  
ανατροφισ κε πρότι-πα επέραςαν τα ίδια τα πεδία.

Ι νέι αθεί, όπος ι ίδιι ονόμασαν τον εαφτον-  
ατυν εφθισ εκсарχис έδixσαν τον εαφτον-ατυν λενινι-



στας, πυ εγρίκυν ςοστα τα προβλίματα τι αντιθρι-  
σχεφτικis προπαγάνδας. Ατιν εγρίκσαν ότι ο αγόνας  
εναντίον ςιν θρισκίαν θα έχι μεγάλον επιτιχίαν ατότες  
μόνον, εαν θα εν ςπιχτα δεμένον με το λίσιμον τον  
προβλιμάτον, ντο θαλ το κόμαν κε ι ςοβετικι εκςυζία.

Ι νέι άθει, ας' ολτς έρχιανταν εχτίπεσαν τα  
μεθιζμένα εκςέργατα τον Χριτύγενον κε τυ Πάςχα, πυ  
κε εξίτισαν να ουλέβνε τα ςκολία ς' αφο τον κερον-  
ςα κάπια μέρια ατιν εβρίυσαν ςα πρότα τα γραμας, κε  
επροςκάλναν με τ' εκίντς κε το ιλιχιομένον τον εργαζό-  
μενον πλιθιζμον. Κε άνεβ ατο εβρίυνταν ατιν ςα πρότα  
τα γραμας κε αναπτίζνε τον αγόναν για τιν νεπρερί-  
φκαν, το οπίον πρεπ να βοιθα τα αγλίγορα τέμπια τε  
ςος. χριζίματος κε εντάμαν με τατο κοφτ κε ρυζ τελιο-  
τικα με τα μεθιζμένα εκςέργατα.

Ι νέι άθει θάλνε οσαν πρόβλιμαν-ατυν να αγωνί-  
ςκυνταν για τιν μορφοτικιν επανάςταςιν. Κε για τατο  
ατιν εφτάγνε αγόναν για το κλίδομαν τον εκλίζιον κε  
τιν μετατροπίν-ατυν ςε ςκολία, ςε κλύπια, ςε αποθήκας.  
κ. τ. λ. Σ' αφο το μέτοπον ατιν θα χριάςςκετε να  
χτιπυν το πιζματικον τιν αντίςταςιν τι κυλακίον κε τι  
ποπαδίον κε αςον αγόναν ατιν ςιχνα εβγένε νικιτε.

Αετς έτον παραδίγματος χάριν ςο Γεόργιεφςκι.  
Εςτεκεν ςο Γεόργιεφςκι ι εκλίζία — μεγάλον έφκερον  
χτίριον αςο οπίον επίκαν άρνιςιν ι θριςχεφτικι κε ςιν  
πόρταν-αθε εκρεμάυτον ζζανχομενον κλιδιν. Ενο ι  
πιονέρι τι Γεόργιεφςκι έταν απες ς' έναν κσιλένον οςπιτ  
ςτενάχορον κε πνιχτικον.

Επίγαν ατιν ςο ιςπολχομ για να δίγνατς τιν  
εκλίζιαν για πιονέρικον κλυπ. Εμαθαν-ατο ι ςπεκυλαντ



κε ι καλογριάδες εσκόθαν σο ποδαρ, έσκοςαν τιν αγιτά-  
τσαν ανάμεσα ει ιφαντας κε ει ιφαντρίας τι Γεόργιεφσκι.

Ι πιονερ κ' εσσασσίρεπσαν εκινιτοπίσαν τα πεδία τι  
σχολι ε' όλον τιν πολιτίαν κε με όλον το πεδικον τιν  
μάζαν έβγεςαν ειιν επίθεσιν. Σα δρόμια τι πολιτίας ατα  
τα ιμέρες έτον μεγάλον κίνισι: ε' όλια τα επιχιρίσις, εα  
αθλόγιρς τι εργοστασίον εγίνυσαν πεταχτα μίτινκ εα  
οπία έβγεναν τα πεδία κε ομίλανε εναντίον ει καλο-  
γερτς κε ει σπεκυλιάντυς. Με καταλόγς υπογραφον  
επέγναν εα κατικίας τι εργατίον, εα εργοστασιακα οπςσε-  
ζζίτίας, ε' όλια τα εαπράνις εα φάμπρικας έδνοναν  
κ' ομίλανε ι πιονέρι κε σο τέλος εκέρδισανε κενίςσκον-  
κε φωτινον κλυπ. Εμάζεπσαν περισον ασα 15.000  
υπογραφας για να δίνατς τιν εκλίσιν.

Σο αντιχριστουγενάτικον κε σο πασχαλικον τιν  
καμπάνιαν τα πεδία επίκαν μεγάλον θυλίαν για να  
καθαρίζνε τ' οσπίτια-τυν, ασα ικόνας, ασα γιόλκας, ασο  
πασχαλικον το στολ κε ας' όλα τα θυρικεφτικα τα θυόμας.

Σα πολλα οσπίτια κε κάμαρις εργατίον εα πόρτας  
κιαν εκρεμάγυσαν ζαπίσκας: „Παρακαλυν τι ποπάδες, να  
μι εμπένε άπες“. Σα θαρατάδες, εα ζαπόρια, εα τυθά-  
ρια τ' οσπιτίον εκρεμάγυσαν αντιθυρικεφτικα λόζυνγια κε  
πλακάτια, ντο εκρέμασαν ι άθει, πυ επροσκάλναν τι  
γονέις-ατυν να κόφνε κε ρύζνε με τα μεθιστακάδικα τα  
εκέργατα, να κόφνε κε ρύζνε με τα πρέματα τι θυρικίας,  
κε προσκαλόνατς ν' αγωνίσκυνταν για το πεντάχρονον σε  
4 χρόνια, για τιν εχτέλεσιν τυ προμφινπλαν, για το  
πολςσεβίτικον τιν σποραν.

Ι νέι άθει όχι μόνον με τα λόγια κε τα προσκα-  
λέματα αγωνίσκυνταν για τον σοσιαλιζμον. Εκιν με το



δίκνιζμαν εφτάγνε αγόναν ενάντια σι θρετίτελυσ τι αγρο-  
τικis ικονομίας, ενάντια σα αγιάζματα κε σα εφςσία,  
χτίζνε υποδιγματικά αθείστα υτζάστκας. Ιπογράφνε σιμ-  
φονιτικά με τι γονείς-ατυν, κε ι δίος ενεργητικά πέρνε  
μέρος σο σοσιαλιστικον το χτίσιμον.

Ι νεί άθει τυ 36-υ τι σχολι σο Σοχόλνιτζεσκι  
ραγιον τι Μόσχας εμάζεψσαν 2.000 ρύδλια για το  
τραχτορικον τιν κολόναν „Άθεος“ για τιν ανασινκρότισιν  
τι χορι σο νέον το σοσιαλιστικον τον δρόμον. Τα πεδία  
τον ταγεστάνικον σχολίον δίνε 50 ρύδλια σο τανκ —  
„Απάντισι σον πάπα τι Ρόμισ“. Ακόμαν κε τα μικρα  
προσχολικά πεδία ενος πεδικυ κίπυ σερέδνε 26 ρύδλια  
για το αερόπλανον: „για να πετύνε τ' εμέτερον ι καλο-  
μανάδες σον υρανον κε να ελέπνε, πως κανένας θεος  
ντο κ' εν“.

Ι νεί άθει βοιθύνε το δυναμομένον τον αγόναν  
εναντίον σιν θρισκίαν, με το να ταχυτέδνε σε μεγάλα  
ποσα τιν εφιμερίδαν „Πεζπόζζνικ“. Επορούμε ακόμαν  
να φέρομε πολλα παραδείγματα, πός ι νεί άθει, τ' ίναν  
ο πάπας τι Ρόμισ απολεμα να εβγάλιατς οσαν χυλι-  
γάνυς κε κλέφτες, ίνε ενεργητικι σιμέτοχι τι σοσιαλιστικυ  
χτισίματος επίσυ με τι πατεράδες κε μιτεράδες-ατυν,  
με τα τρανα τ' αδέλφια-τυν, με τ' εργάτας κε ραπότ-  
νικυς, με τι κολχόζνικυς κε άλυς εργαζόμενυς.

### **Ι ΙΚΟΓΕΝΙΑ ΠΡΕΠ ΝΑ ΒΟΙΘΑ ΤΟ ΣΧΟΛΙΟΝ**

Αλα σ' ατο το μεγάλον τιν δουλίαν εβρίετε έναν  
εμπόδιον το οπίον στεκ απαν σον δρόμον τις χριαζύ-  
μενις ανατροφis τ' εμέτερον τι πεδίον. Ατο το εμπόδιον  
— εν ι ικογένια. Ακόμαν εβρίυνταν εργατ πυ πιστέδνε,



εβρίονταν χορετ πυ πιστέδνε ι οπί μαθίζνε τα πεδιά-  
ατυν, τι φιτιτας τι σχολι, άλα ιδέας, μαθίζνατς άλα  
εσθίματα, μαθίζνατς άλα πράκσις απότι εφτάι το σχολίον.

Κε εβγον εκίνο, ότι ι γονέι κε το σχολίον είρνε  
(κοβαλυν) το πεδιν σα διάφορα μέρια.

Συμον ι παραμονι τυ Πάσχα. Το πεδιν θελ για  
να πάι ρι σχολι τιν θραδιαν κε ι μιτέρα-θε απολεμα να  
κρατία-τον. Εκίνε τάζιατον ρσοκαλατ, εφταν μόνον να  
μι πάι. Το πεδιν ριμφονα αλα, όνταν περ το ρσοκαλατ  
τρόγιατο κε κσαν τρεσσ ρο σχολίον. Μίπος αφτο καλον  
εν; Ασχεμον εν! Ασχεμον εν ότι το πεδιν κομπον, αλα  
τα καπαγιατία εσσ ι μάνα!

Αλε μάνα κ' εθέλνεν να εφίνεν το κορίτς-νατς  
ρσο αντιπασκαλικον τιν θραδιαν κε έτακσεν για να ράρ-  
τια-τεν φισταν κε ν' αγοριάζατεν παπούτζια. Το κορτσό-  
πον εκομπόθεν κε άλο κ' επίγεν ρο σχολίον. Το φισταν  
εράφτεν, τα παπούτζια εγοράγαν.

Το Σάβατον το κορτσόπον φορι το φισταν, τα  
παπούτζια κε λεί τιν μάναν-ατς, ότι θα πάι ριν εκλι-  
σίαν. Ι μάνατς χέρετε κε διάτεν κε χρίματα για να  
άφτ κερία.

Το θράδον εκλόστεν το κορτσόπον με το κοτσοκερ,  
επίκεν „χριστος ανέστι“ με τιν μάναν-ατς, εμαντσίρ-  
τσεν κ' έπεσεν κα. Ιστερα ας' έναν ιμερονίχτιον μαθαν  
ι μάνατς, ότι το κορίτς-νατς έτον ρο σχολίον εχόρεδεν  
εκιαπες κε για τιν εκλισίαν ύτε ενόνιζεν. Ατο πα κόμ-  
πομαν εν, αλα κσανκαπαγιατλίσα τι κομποματι εν ι μάνα!

Γίνετε κε αετς, όστε ι γονέι φοδερίζνε τα πεδιά-  
ατυν, κε κι θέλνε να ρύζνε ρο σχολίον, κλιδόνατς απεσ  
ς' οσπιτ ίτε εβγάλνε τα κενύργια τα λόματα-ατυν.



Εαν τα πεδία ίνε τολμिरα εβγόνε κε φέβνε ασο παράθιρον,πάγνε σο πιονέριχον τάγμαν, ίτε σο σχολίον με τα παλια τα τσεριμένα τα λόματα-τυν. Το χόριζμαν ανα-μετακσι σο πεδιν κε σιν ιχογένιαν εβρίετε σον παρον. Μίπος ατο χαλον εν; Ατο εν πολα άσσκεμον πυθεν κι γιαραεβ!

Τιύτα φάκτια επορούμε να φέρομε πολα. Ας ατα ελέπομε, ότι το σχολίον κε ι ιχογένια τζοκανίζνε το μορον σα διάφορα μέρια. Κάποτε το πεδιν κιβαστα ατο τον αγόναν, λαιζ το σσέρνατ κε πάι σιν γραμιν τι ολιγότερις αντίστασις ακύι τα απετίσις τι θρίσχυ τι χιρύατ κε τι θρίσκεσας τι μάνας-ατ. Σιχνα εφτάι άλο: κρύγιατο σο κόμπομαν, σο πσέμαν.

Αετς πα κε αλέος πα το μορον ανατρέφκετε νεβρικον, άροστον, αδίνατον.

Ι θέλισι-αθε τσαλαπατίετε. Αλο κι γιαραεβ για τον αγόναν κε για το χτίσιμον.

Γίνετε κε αετς ότι ι γονέι λέγνε το πεδίν-ατυν, ίτε το κορίτς-νατυν, ότι „εαν ο δάσκαλον κατ λεί για τον θεον, εσι μι πιστέβς-ατον“.

Ενοίτε ότι το μορον ίστερα απάφτα επορι γενικα να μι πιστεβ το σχολίον, επορι άλο να μι αγαπάτο. Αρχινα σο σχολίον να εφτάι ατακσίας, γίνετε χυλιγάνος κ' επεκι ι γονέι ι ίδιι θαμάζνε προς τ' εκινέτερον ο Κόλιας ίτε ι Μαρίκα εφέκαν το σχολίον. Κε αν θα εκσετάζομε τιν δουλίαν, θα εβγον, ότι το καπαγιατ έχνατο ι γονέι, ι οπίι έλεγαν να μι ακύνε τα όσα λέγνατς σο σχολίον.

Αετς γίνετε κάποτε, αλα αετς κι πρεπ να εν.

Ο γονέον πρεπ να εκσερ, ντό κε πός ανατρέφνε το μορον σο σοβετικον σχολίον, πρεπ να βοιθύνε το



σχολίον. Εάν ο γονέον λογαριαζ ότι τα όσα μαθίζνε κε εφτάγνε σο σχολίον κ' ιν ζοστα, ας έρτε σο σχολίον κε ομιλα κοφτα, ανιχτα με τον δάσκαλον. Ας ομιλα με τι σιντρόφσατ να εγρικα για το πιον το σχολίον απετα αγόναν εναντίον σιν θρισκίαν.

Ι γονεί ι οπίι θέλνε το μορόν-ατυν να εν ανατρεφμένον για τιν ζοίν κε τιν δουλίαν σιν Σοβετικιν Ενοσιν, ι οπίι θέλνε ασο μορον να εβγον καλος ραπότνικος καλος ιπερασπιστισ τι χόρας τον Σοβετ, αγωνιστισ για το έργον τι εργατικισ τάκσις, κι πρεπ να πάνε ενάντια σο σχολίον κε σιν δουλίαν τι αντιθρισκεφτικισ ανατροφισ.

Σιν χόραν τ' εργατίον κε εργαζόμενον χορετίον χριάσσκετε το σχολίον να ανατρεφ ασα πεδία αγωνιστας για το έργον τι εργατικισ τάκσις, να ανατρεφ χτίστας τι σοσιαλίζμυ. Το σοβετικον το σχολίον πρεπ ατο να εφτάγιατο ιδεμι τιυτον σχολίον πυθεν κι γιαραεβ.


Το ίδιον απετα ας' ατο (ασο σχολίον) όλον το εμπρολάτκον ι σοβετικι κινι γνόμι. Το σχολίον πρεπ να ανατρεφ ενεργιτικυς αθέυς. Το ίδιον ι απέτισι παρυσιάσσκετε ατόρα κε σιν ικογένιαν.

Ι ικογένια πρεπ να ανατρεφ ασα πεδία αγωνιστας, χτίστας, αθέυς.

Το σχολίον πσαλαφα ασιν ικογένιαν βοίθιαν κε όχι εμπόδια.

Το σχολίον εςς το δικέομαν να ζιτα ασιν ικογένιαν ενεργιτικον βοίθιαν.

Ι ικογένια πρεπ να βοιθα το σχολίον, σιν δουλίαν τι κομουνιστικισ ανατροφισ τι νέας γενεας.









ТІМІ 10 коп.

Д 2323 Д

---

ЦЕНА 10 коп.

**Религия, семья и дети**

на греческом языке.